



UP09-07-3-522/16
Sarajevo, 18.10.2016.godine

Ministarstvo pravde Bosne i Hercegovine, rješavajući Zahtjev Osnivača Fondacije za stipendiranje učenika i studenata „Idriz Jakupović“, u predmetu upis u Registar fondacija, na osnovu člana 8. i člana 33. Zakona o udruženjima i fondacijama Bosne i Hercegovine („Službeni glasnik BiH“, br. 32/01, 42/03, 63/08 i 63/10) i člana 4. stav (1) Pravilnika o načinu vođenja registra udruženja i fondacija Bosne i Hercegovine i drugih međunarodnih udruženja i fondacija i drugih neprofitnih organizacija („Službeni glasnik BiH“, broj: 14/12), donosi

RJEŠENJE

U Registar fondacija kod Ministarstva pravde Bosne i Hercegovine upisuje se fondacija pod nazivom:

Fondacija za stipendiranje učenika i studenata „Idriz Jakupović“
Zaklada za stipendiranje učenika i studenata „Idriz Jakupović“
Фондација за стипендирање ученика и студената „Идриз Јакуповић“

Skraćeni naziv Fondacije glasi:
Fondacija „Idriz Jakupović“
Zaklada „Idriz Jakupović“
Фондација „Идриз Јакуповић“

Sjedište Fondacije je u Sanski Most, ulica Stanična broj 3.

Upis je izvršen pod registarskim brojem RF: 153, knjiga II Registra, sa danom 18.10.2016. godine.

Danom upisa u registar Ministarstva, Fondacija stiče svojstvo pravnog lica i ima pravo djelovati na cijelom području Bosne i Hercegovine, isključivo pod registrovanim nazivom.

Ciljevi i djelatnosti Fondacije su: stipendiranje učenika i studenata slabijeg imovinskog stanja u Bosni i Hercegovini; stipendiranje učenika i studenata iz Bosne i Hercegovine i naših sunarodnika iz dijaspore na školama i univerzitetima u Bosni i Hercegovini i inostranstvu; pomoć pri objavljivanju, štampanju i distribuciji stručnih radova, publikacija, knjiga; pomoć pri upisu na fakultete i pri zapošljavanju mladih stručnih kadrova; pomoć socijalno ugroženim porodicama; pomoć sportskim kolektivima i sportistima pojedinačno; pomoć vjerskim institucijama; organizacija humanitarnih koncerata, sportskih događaja, izložbi i drugih aktivnosti, u svrhu prikupljanja sredstava potrebnih za ostvarivanje ciljeva Fondacije, u skladu sa važećim propisima; poticanje, iniciranje, učestvovanje u izradi i izrada projekata vezanih za obrazovanje i stipendiranje učenika i studenata, a sve u vezi sa ostvarivanjem ciljeva Fondacije; ostvarivanje saradnje sa državnim organima, privrednim organizacijama, nevladinim organizacijama i drugim fondacijama i udruženjima i uvezivanje istih u svrhu ostvarivanja svojih programskih ciljeva; razmjena iskustava i informacija sa istim ili sličnim fondacijama u zemlji i inostranstvu; održavanje seminara, radionica, konferencija, debata u cilju usavršavanja rada Fondacije.

Osoba ovlaštena za zastupanje Fondacije je:

- **Ajdin Jakupović, direktor Fondacije.**

6. U slučaju nastupanja promjena činjenica koje su upisane u Registar, Fondacija je dužna u skladu sa članom 43. stav 1. Zakona o udruženjima i fondacijama Bosne i Hercegovine podnijeti ovom Ministarstvu zahtjev za izmjenu i dopunu registracije, u roku od 30 dana od dana izvršene promjene.
7. Ovo Rješenje objavljuje se u „Službenom glasniku BiH“, o trošku podnosioca zahtjeva.

O b r a z l o ž e n j e

Osnivači Fondacije za stipendiranje učenika i studenata „Idriz Jakupović“, sa sjedištem u Sanskom ostu, ulica Stanična broj 3, su 18.03.2016. godine, putem ovlaštene osobe podnijeli zahtjev za upis u Registar fondacija kod Ministarstva pravde Bosne i Hercegovine.

U toku postupka registracije, Ministarstvo je utvrdilo da zahtjev nije potpun, te da sadrži nedostatke i pravilnosti zbog kojih nije moguće izvršiti registraciju. Ministarstvo je aktom broj: UP09-07-3-522/16 od 22.05.2016. godine zatražilo ispravku i dopunu zahtjeva.

Podnosilac zahtjeva je podneskom od 13.07.2016. godine izvršio izmjene i dopune zahtjeva, te je uz zahtjev za upis u Registar fondacija priložio slijedeću dokumentaciju: Odluku o osnivanju Fondacije za stipendiranje učenika i studenata „Idriz Jakupović“, Broj: 01/16 od 22.05.2016. godine; Izvode iz matične knjige rođenih za Osnivače: Jakupović Aidu, Jakupović Esada i Jakupović Ajdina, u svrhu dokazivanja rodstva sa osobom čije ime Fondacija nosi; Potvrde o uplaćenom osnivačkom ulogu za Fondaciju, Broj: 18-02-12-2-044/16 od 11.03.2016.godine, kao dokaz o novčanim sredstvima Fondacije; Odluku o imenovanju predsjednika i članova Upravnog odbora Fondacije, Broj: 03/2016 od 22.05.2016. godine; dva primjerka Statuta Fondacije, Broj: 02/2014 od 22.05.2016. godine; Odluku o imenovanju Direktora Fondacije, Broj: 4/2016 od 22.05.2016. godine; fotokopiju lične karte i vlastoručni potpis imenovane osobe, ovjerene od nadležnog organa; te ovjerene fotokopije ličnih karata Osnivača, predsjednika i članova pravnog odbora Fondacije.

Uvidom u priloženu dokumentaciju utvrđeno je da su ispunjeni svi uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis Fondacije za stipendiranje učenika i studenata „Idriz Jakupović“ u Registar Ministarstva.

Na ovo rješenje naplaćena je administrativna taksa u iznosu od 200,00 KM u skladu sa članom 33. stav (2) tačka a) navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.

MINISTAR

Josip Grubeša

ostavljeno:

- Jakupović Ajdin za Fondaciju za stipendiranje učenika i studenata „Idriz Jakupović“, Ulica Stanična broj 3, 79 260 SANSKI MOST i ovjeren tekst Statuta Fondacije, Broj: 02/2014 od 22.05.2016. godine;
- Zbirka isprava;
- JP NIO "Službeni list BiH".